

Ataatsimiitaliamut ataqqininnerq takutikkumallugu tamanna mianerisariaqarpoq, Inatsisartulli isigineqarnerat illersorneqarsinnaqqullugu. Inatsisartunut ilaasortat tamarmik Inatsisartut pingaarutillit sunniuteqaqisullu sinniisuuffigaat, taamaattumik naalackersuinikkut oqaluuserisassat isiginiarnerunissaat Inatsisartullu inuiaqatigiit ataatsimoorlutik sullissisorisaasa illersorneqarnissaat tamatta peqataaffigisariaqarparput. Uagummi kisitta – Inatsisartunut ilaasortaasugut – tamanna qulakkeersinnaavarput.

Ilaasortat akunnerminni assigiingissutitik paaseqatiginissutiginiartuassagaat naalackersuinikkullu isumaqatigiingissinnaaneq inuttut akerleriissutinnagortinnagu ilinniassagaat Inatsisartut sinnerlugit sulii neriuutigaa.

Siulittaasup EU-p inatsisartuini siulittaasup tullianik ataatsimeeqatigarnera

Inuiattut ullorsionnitta Bruxellesimi 23. junimi malunnartinneqarneranut atatillugu EU-p inatsisartuini siulittaasup tullia Diana Wallis ataatsimeeqatigissallugu periarfissaqarsimavunga.

Europami inatsisartunut ilaasortanik oqaloqateqarnerusarlernissaq kalaallit Inatsisartuini Diana Wallisip kajumissaarutigaa. Lissabonimi isumaqatigiissutit akersissutigineranut ilaatillugu EU-p aalajangigassai pillugit EU-mi inatsisartunut ilaasortat annertunerujussuarmik sunniuteqarsinnaalernerat tunngavigalugu kajumissaarut taanna Inatsisartunut ilaasortanut isumaliutersuutigeqqullugu matumuunga ingerlateqqippara. Isumaqatigiissutit annertuut EU-p periaasiinut tulluarsarlugit Nunatta nutarteriffigissannagorpai taamaattumillu periarfissaq taanna ataatsimiitaliamilu suliaasaq Inatsisartut ilisimaarisariaqarpaat nunatta avataani oqaloqateqartarnissaq kalaallillu naalackersuinikkut oqaluuserisartaagaasa oqallittarfinnut tamakkuninnga suliaqartunut annguttarnissat ilanngullugit eqqarsaatigalugit. Immikkut pingaarutillit taaneqarsinnaavoq suliani aalisarnermut tunngasuni Nunatta isumaata paasineqarnerunissaa siunertaralugu aalisarnermut tunngasut pillugit EU-mi inatsisartunut ilaasortanik oqaloqateqartarnissamut periarfissat Inatsisartut isumaliutersuutigisariaqarpaat.

Nersornaasiinerit

Nersornaatit siiliviusut marluk aprilimi Nersornaallu guultiusoq ataaseq majimi Siulittaasoqarfiup tunniuppai.

Nersornaatit siiliviusut Kitsia Berthelsenimut aamma Rosina Heilmannimut nersornaasiinneqarput.

Nersornaatisitsinermi nersornaaserneqartut tamarmik Nunatsinni sivilisuumik annertuumillu kulturikkut nersortarialimmik suliaqarsimanerat Siulittaasoqarfiup tunngavilersuutigaa.

Nersornaat guultiusoq Naalackersuisut siulittaasuannut Kuupik Kleistimut nersornaasiinneqarpoq kulturikkut oqaatigullu Nunatta isigineqarneranut Kuupik Kleist sivilisuumik pingaarutilimillu nersortarialimmik suliaqarsimaneera tunngavilersuutigalugu.

Hans Egedep Illuani ilasseqatigiissitsinikkut nersornaasiisoqarpoq.

2010-mi ukiakkut ataatsimiinneq

Inatsisartunut ilaasortat arlaleriarlutik kissaateqartarnerat tunngavigalugu ukiakkut upernaakkullu ataatsimiittarnerit sivitsorneqarsinnaanerit Siulittaasoqarfiup isumaliutersuuteqarfigaa. Taamattumik UPA11 februarimiilli aallartinneqareersinnaanersoq majimilu naammassineqartussatut inissinneqarsinaanersoq nalilerneqassaaq. Aamma ataatsimiittarnissat sivitsornissaanni suliat Inatsisartunut oqaluuserisassanngortinneqartut amerlasusii aalajangiinissami apeqqutaatinneqassapput.

Ukiakkut ataatsimiinneq 17. september 2010-mi aallartinneqassasoq aalajangerlugu Inatsisartut upernaakkut ataatsimiinnertik naammassivaat. Imaappoq UKA10-mi suliat oqaluuserisassanngortinniakkat kingusinnerpaamik 13. august 2010-mi nal. 12.00 tunniinneqassapput.



INATSIARTUT
PARLIAMENT OF GREENLAND



NUTAARSIASSAT

Allattoq Inatsisartut

siulittaasuat

Josef Motzfeldt

2010-mi ukiup affaa siulleg



Aallaqqaasiut

Inatsisartut ukioq suliffiat siulleq maanna naangajaleroq. 2009-mi nutaamik qinersisoqarmalli Inatsisartut sulineranni ukiumi siullermi ulapaarsimaqaagut. Juni 2009-mi inissitsiterluni ataatsimiinneq, junimi immikkut ittumik ataatsimiinneq, 2009-mi ukiakkut ataatsimiinneq 2010-milu upernaakkut ataatsimiinneq angumeraavut.

Inatsisartut ukiut suliffissaata aappaat 17. september 2010-mi aallartissaaq 2010-mi ukiakkut ataatsimiinneq ammarlugu.

Siulittaasoqarfik

Inatsisartuni oqaaseqarnissamut piffissaliussat allanngortinnissaannut periarfissat Inatsisartut UKA09-mi iluarsisari-aqartutut isigisaat tunngavigalugit Siulittaasoqarfik februar 2010-mi isumasioqatigiippoq.

Inatsisartuni oqaaseqarnissamut piffissaliussat allannguutissaat iluaquusisussamik siumullu isiginnilluni Siulittaasoqarfimmit suliarineqarput.

Tamatuma kingorna Inatsisartuni oqaaseqarnissamut piffissaliussat nutaat pillugit Siulittaasoqarfiup siunnersuutai pillugit partiit isummaminnik annissinissaminnut periarfissineqarput taakkualu atorineqarput Inatsisartut UPA10-mi ataatsimiinneranni ullormi siullermi Inatsisartuni oqaaseqarnissamut piffissaliussat nutaatut akuersissutiginnissat siunertaralugu.

2010-mi upernaakkut ataatsimiinnissaq (UPA10) pilersaarsiorlugu Siulittaasoqarfik martsip aallartinnerani ataatsimiippoq.

Siulittaasoqarfik UPA10-p nalaani aammattaq 13-eriarluni ataatsimiippoq. Ataatsimiittarnerit taakku inersuarmi ataatsimiinnissat sioqqullugit piareersaataasumik ataatsimiinnerusarput.

2010-mi upernaakkut ataatsimiinneq (UPA10)

UPA10 aallartineqarpoq 9. april 2010-mi ullunilu 17-ini ataatsimiittoqarnissaa pilersaarusiorneqarluni. Taamaattorli UPA10 ullormik ataatsimik sivikillineqarpoq upernaakkut ataatsimiinneq ulluni 16-ini ataatsimeereernermi 18. maj 2010-mi naammassineqarluni. Ataatsimiinnerup ullormik ataatsimik sivikillineqarneranut oqaluuserisassani immikkoortut peerneqarnerat ilaatigut pissutaavoq ilaatigullu Inatsisartuni oqaaseqarnissamut piffissaliussat iluarsisat oqallittarnerit sivilissusaannut sunniuteqarsimasutut isigineqartariaqartut.

Iluutsit nutaatut upernaakkut ataatsimiinneq piffissanut marlunnut avineqarpoq. Piffissami siullermi sapaatip akunneranut ullut ataatsimiiffissat pingasuupput piffissallu aappaanni inersuarmi ullut ataatsimiiffissat sapaatip akunneranut maluullutik. Taamaaliortoqarpoq suliat ataatsimiittalianut suliassiisutaasut ataatsimiittalianit piffissaqarfiginerullugit suliarineqarsinnaaqqullugit.

Naalackersuisunut nalunaaquttap akunnera apequteqarfiusinnaasoq

Apeqqutit piareersarsimangisat inersuarmi Naalackersuisunut apeqqutigneqarsinnaanerit nutaatut siullermeersumik Inatsisartuni atorineqarpoq. Tamanna siullermeersumik pivoq pingasunngornermi 5. majimi.

Apeqquteqarsinnaaneq nalunaaquttap akunneranik ataatsimik sivilissuseqarpoq apeqquteqartitsinermilu Naalackersuisunut ilaasortat sorliit apeqquteqarfigineqarnissaat ullunik marlunnik sioqqutsisumik Naalackersuisut siulittaasuata nalunaarutigissavaa. Tamatum kingorna Naalackersuisunut ilaasortat partiit tamarmik pingasunik apeqquteqarsinnaatitaapput. Periarfissap taassuma atorineqalerneratigut suleriaatsimi § 36, imm. 2 tunngavigalugu Naalackersuisunut allakkatigut apeqquteqartarneq ingerlatiinnarneqassanersoq isumaliutersuutigissallugu Siulittaasoqarfik pissutissaqalerpoq, pingasunngornermi apeqquteqaateqartarneq

tassannga pisariaarutitineqarsorinarimat. Suleriaatsimi allannguutissat UKA10-mi saqqummiunneqalersaartut suliarinissaanni tamanna ilanngullugu isumaliutersuutigineqassaaq.

Oqaaseqarnissamut piffissaliussat iluarsisutaat

Inersuarmi oqaaseqarnissamut piffissaliussat pillugit Suleriaatsimi allannguutini partiit tamarmik immikkut oqaaseqartartumut ataatsimut apeqqutit amerlanerpaaffissaasa inissinnissaat uani tunaartarineqarneruvoq. Imaappoq partiit tamarmik immikkut oqaaseqartartunut tamanut pingasuinnarnik apeqquteqarsinnaapput. Soorluttaq inaarutaasumik oqaaseqartarneq siunnersuuteqartumut imaluunniit Naalackersuisunut apeqquteqartarsinnaajunnaartoq.

Nunat Avannarliit Killiit ulluat

Nunat Avannarliit Killiit suleqatigiinnerinut ulloq pisortatigoortumik malunnartitsiffik pillugu aalajangersagaq Nunat Avannarliit Killiit Siunnersuisoqatigiivisa 2008-mi saqqummiussaata Inatsisartut UPA10-mi akuersissutigaaq. Ulloq Nunatsinni malunnartitsiffik siulleq Nunat Avannarliit Killiit ukiumoortumik tassanilu qullersat 23. augustimi Tasiilami ataatsimiinnissanni pissaaq.

Siulittaasoqarfiup 2010-mi suleriaasia

Siulittaasoqarfik naalackersuinikkut isumaqatigiingissutit pillugit maalaaruteqartarfiusinnaangilaq

2009-mi ukiamiit Siulittaasoqarfiup suleriaasia nutaq aalavigalugu Inatsisartut ataatsimut isigalugit taakkualu suliaat pillugit Siulittaasoqarfiup aalajangiisuusarnerata ineriartortinneqarneranik Siulittaasoqarfiup sulinerata ingerlatiinnarneqassaaq. Tamanna tunngavigalugu naalackersuinikkut isumaqatigiingissutit imaluunniit qinngasaarutit illua'tungeriit naalackersuinikkut oqaloqatigiinnerisigut aqqitassanngortitat pillugit Siulittaasoqarfiup maalaaruteqartarfiunnginnissaminik kissaateqarnera Siulittaasoqarfiup aalajangiuppa.

Pisut tamatumunnga tunngasut arlallit tunngavigalugit taamatut aalajangertoqarpoq, peqqissaartumik oqaloqatigiittareerikkut naalackersuinikkut isumaqatigiingissutit taamaattut Siulittaasoqarfiup illua'tungeeqqataaffigissagunigit eqqortuunngitsutut isumaqarfigimmagut. Tamannattaq suleriaatsip anersaavanut naapertuuppoq, tassa Siulittaasoqarfik Inatsisartunut tamarmiusunut sullissisuummat. Tamannattaq periarfissat arlallit atorlugit ilaasortanut paasisutissiisutigineqartareerpoq, taamaattumillu aalajangerneq taanna ilaasortat akuersaassagaat Siulittaasoqarfiup naatsorsuutigaa.

Taamatuttaq Inatsisartut ataatsimiinnerisa nalaani allatulluunniit pisortatigoortumik pisoqartillugu siulittaasoqarfik aamma oqaluuserisassanut ataatsimiittitaliaq Inatsisartunut ilaasortat isornartorsiorneveersaartariaqaraat Inatsisartunut Iltersuummi ersersinneqartoq pillugu Inatsisartunut ilaasortat eqqaasinneqarput. Siulittaasoqarfimmut aamma Oqaluuserisassanut

